


4.

Krieg un Friede.

Printed in Great Britain.



**W**ie lewe alleweil die Leit  
So fröhlich ohne Sorge,  
Vor Not do is e jeder heit  
Durch den Verdiencht geborge.

Ganz voller Werke is die Welt  
Un voller Kohlegruwe;  
Die Männer all verdiene Geld,  
Sogar die junge Buwe.

Doch 's sonderbarlichste isch sell,  
Das bisher noch erschiene,  
Fascht Jeder will e leichti Schtell  
Un 's allermeischt verdiene.

Do muß mer doch wahrhaftig sahn:  
Die Welt is neu gebore;  
Schtellt nur emol Vergleiche an  
Mit dene frühere Johre!

Wie han sich als in serrer Zeit  
Die Männer misse queele!  
Mer hört 's jo jetzt vun alte Leit  
Als öftersich noch verzeehle.

's Geld war domols arig rar,  
Mer kunnt fascht kens verdiene,  
Un nirgens isch e Zug gefahr,  
Sie hotte noch ken Schiene.

Gefahr' is Urem wie Durchlaucht  
Per Schimmel un per Urse;  
Mer hat als nächst e Johr gebraucht  
For bloß enuff no Sachse.

Un erscht e Not war in der Welt,  
Wie ich noch ken gesiehe;  
Mer hat als oft for vieles Geld  
Fascht wisse nix zu friehe.

Die Frucht, was drauß war, alle Saat  
War unreif, schon am derre;  
Ach, han als oft die Leit gesat,  
Dät's nur mol besser werre!

's is besser wor, doch kurz denoo  
Heeft's hopp an die Gewehre!  
Der Feind der kummt ins Land gezoo,  
Um Alles zu verhehre.

Was war zu mache, hart bedriekt  
Mußt sich halt Jeder füge,  
Drum sin se mutig ausgeriekt  
For mit 'm Feind zu friege.

Un wie hat's gang, du liewe Zeit,  
Der Tod hat fahl geschore;  
Gar mancher vun de Pälzer Leit  
Ging dort im Krieg verlore.

Na Gott sei Dank, sell Zeit is rum,  
Heit herrscht der liewe Friede;  
Im Feind is alle Macht genumm  
Im Norde wie im Siede.

Doch manche Leit isch's gar net recht,  
Daß still die Waffe stecke;  
Die sähe liewer e Gefecht,  
Wo's fracht in alle Ecke.

Viel wäre froh, wann noch des Johr  
Mobil gemacht dät werre,  
Doch käm's soweit, bin gut defor,  
E mancher dät sich schnerre.

Met Worte macht sich das jo glatt,  
Den Feind im Feld zu Schlage;  
Was awer das for Naube hat,  
Das soll mol Gener sage!

For Keen war's leicht, der mitgemacht  
Die Schreckzeit der Kriege,  
Bal do e Schlacht, bal dort e Schlacht  
Un jedesmol zu siege.

Zum Kriege do hört Mut dezu  
For schtandhaft met ze mache,  
Dann dem, wo 's Herz fällt in die Schuh',  
Der hat dort nir zu lache.

Mer is heit zwar umsunst beschtrebt  
For wider bal zu siege,  
Solang als Kaiser Wilhelm lebt  
Dut Deitschland nimmi kriege.

Es is a dumm; mer bräuchte nie  
Met ann're Krieg zu fehre;  
E Krieg, der dut die Induschie  
Un alles Glicf zersteere.

